



TOSHKENT VILOYATI BEKOBOD TUMAN HOKIMI QARORI

2021 - yil 15 - noyabr

159-10-135-Q/21

Bekobod tuman hokimligi

Toshkent viloyati hokimining 2021 yil 13 oktyabrdagi 175-10-0-Q/21-sonli qarorining ijrosi ta'minlash to'g'risida

O'zbekiston Respublikasi Prezidentining 2021 yil 30 sentyabrdagi “Xizmatlar sohasini qo'llab-quvvatlashga oid qo'shimcha chora-tadbirlar to'g'risida”gi PF-6318-sonli Farmoni, Toshkent viloyati hokimining 2021 yil 13 oktyabrdagi 175-10-0-Q/21-sonli qarori hamda O'zbekiston Respublikasining “Mahalliy davlat hokimiyati to'g'risida”gi Qonunining 6, 25-moddalariga asosan,

QAROR QILAMAN:

1. Toshkent viloyati hokimining 2021 yil 13 oktabrdagi 175-10-0-Q/21-sonli qarori ijro uchun qabul qilinsin.

2. O'zbekiston Respublikasi hududiga olib kirishda quyidagi tovarlar va transport vositalari uchun qonunchilikda nazarda tutilgan bojxona boji bo'yicha imtiyozlarning amal qilish muddati 2024 yil 1 yanvarga qadar uzaytirilganligi ma'lumot va xizmat davomida foydalanish uchun qabul qilinsin:

belgilangan tartibda shakllantiriladigan ro'yxat bo'yicha yuridik shaxslar tomonidan, shu jumladan lizing shartnomasi asosida olib kiriladigan yangi tibbiyot asbob-uskunalari, butlovchi buyumlar va ularning ehtiyot qismlari hamda sarflash materiallari;

nodavlat tibbiyot tashkilotlari tomonidan o'z ehtiyojlari uchun olib kiriladigan yangi tez tibbiy yordam avtomobillari (TIF TN kodlari 8703 22 101 0, 8703 23 193 0, 8703 24 101 0, 8703 31 101 0, 8703 32 191 0, 8703 33 191 0);

belgilangan tartibda tasdiqlanadigan ro'yxatlarga ko'ra tematik xiyobonlar, mehmonxona va boshqa joylashtirish vositalarini qurish, qayta ta'mirlash va jihozlash uchun asbob-uskunalar, texnika, xomashyo, butlovchi buyumlar va ehtiyot qismlar, qurilish va boshqa materiallar (shu jumladan mebel va inventar);

ishlab chiqarilganiga 5 yildan ortiq bo'lmagan, yo'lovchilarni tashishda foydalaniladigan hamda haydovchidan tashqari sakkiz va undan ortiq o'rindiqlarga ega bo'lgan transport vositalari;

O'zbekiston Respublikasida ishlab chiqarilmaydigan, transport-logistika xizmatlari ko'rsatishga mo'ljallangan, belgilangan tartibda tasdiqlanadigan ro'yxatlar bo'yicha olib kiriladigan omborxonalar, yuk ortish-tushirish texnikasi, agregatlar, ehtiyot qismlar va boshqa tovarlar;

dor (osma) yo'llari, tog'-chang'i ko'targichlar, funikulyorlar va boshqa o'xshash ob'ektlar, «banji-jumping» va «ziplayn» attraksionlari, boshqariladigan (dirijabl, havo shari) va boshqarilmaydigan (erkin uchish) aerostatlar, gondolalar, «rafting» va «flaybording» uchun uskunalar, mexanizmlar va ehtiyot qismlar, shuningdek, «buggy car», faetonlar, joylashtirish vositasi sifatida tunab qolish uchun jihozlangan (g'ildirak ustidagi uylar) yoki kafe-furgonlarga aylantirilgan «fudtrak» yer usti transport vositalari, motorli qayiq va kvadrotsikllar.

3. O'zbekiston Respublikasi hududiga olib kirishda quyidagi tovarlar 2021 yil 1 oktabrdan boshlab 2024 yil 1 yanvarga qadar bojxona bojidan ozod qilinganligi inobatga olinsin:

belgilangan tartibda shakllantiriladigan ro'yxat bo'yicha ta'lim tashkilotlari uchun o'quv laboratoriya va maxsus asbob-uskunalar va jihozlar;

taqiqlanmagan o'yin avtomatlari (TIF TN kodi 9504 30 200 1, 9504 30 200 9), videoo'yinlar uchun uskunalar (TIF TN kodi 9504 30 100 0), va bouling uchun avtomatik uskunalar (TIF TN kodi 9504 90 800 9);

belgilangan tartibda shakllantiriladigan ro'yxat bo'yicha yuridik shaxslar tomonidan, shu jumladan lizing shartnomasi asosida olib kelinadigan yangi stomatologiya va kosmetologiya asbob-uskunalar, butlovchi buyumlar va ularning ehtiyot qismlari hamda sarflash materiallari.

4. Tuman hokimining birinchi o'rinbosari (B.Hakimov), tuman hokimining o'rinbosari (Sh.Shomansurov):

bir hafta muddatda infratuzilma yetarli rivojlanmagan yoki kapital qurilish

ob'ektlarini barpo qilish bo'yicha cheklovlar mavjud bo'lgan magistral yo'llari bo'ylab, shu jumladan turistik zonalarda kafe-furgonlarga aylantirilgan «fudtrak» transport vositalarini joylashtirish uchun maxsus joylar ro'yxati tuzilishini:

tuman davlat soliq inspeksiyasi (J.Alimov) «K-SAVDO» avtomatlashtirilgan axborot tizimiga joylashtirilishini ta'minlasin. Bunda, mazkur hududlarda savdo joylarini sotish bo'yicha auktsion boshlang'ich narxi tegishli yer uchastkalari yer solig'i summasining 50 foizi miqdorida belgilanadi;

5. Bekobod tuman hokimining ayrim hujjatlariga 2022 yil 1 yanvardan boshlab ilovaga muvofiq o'zgartirish va qo'shimchalar kiritilsin.

6. Mazkur qarorning ijrosini nazorat qilish tuman hokimining birinchi o'rinbosari B.Hakimov, tuman hokimining o'rinbosari D.Mirzakulov zimmasiga yuklansin.

Tuman hokimi



Ф. Худойбердиев